

ԵՎՐԱՍԻԱԿԱՆ ՏՆՏԵՍԱԿԱՆ ՀԱՆՁՆԱԺՈՂՈՎ

ԿՈԼԵԳԻԱ

ՀԱՆՁՆԱՐԱՐԱԿԱՆ

13 դեկտեմբերի 2016 թվականի

թիվ 29

քաղ. Մոսկվա

**Եվրասիական տնտեսական միության անդամ պետություններում
արտադրվող թեթև արդյունաբերության արտադրանքի արտադրության
և իրացման ոլորտում գործունեություն իրականացնող տնտեսավարող
սուբյեկտների աջակցության մեխանիզմի մասին**

Եվրասիական տնտեսական հանձնաժողովի կոլեգիան Եվրասիական միջկառավարական խորհրդի 2015 թվականի մայիսի 29-ի թիվ 3 որոշմամբ հաստատված՝ Եվրասիական տնտեսական միության անդամ պետությունների թեթև արդյունաբերության զարգացման 2015-2016 թվականների միջոցառումների պլանի 9-րդ կետի, Եվրասիական միջկառավարական խորհրդի 2015 թվականի սեպտեմբերի 8-ի թիվ 9 որոշմամբ հաստատված՝ Եվրասիական տնտեսական միության շրջանակներում արդյունաբերական համագործակցության հիմնական ուղղությունների իրագործման նպատակներով, «Արդյունաբերական համագործակցության մասին» արձանագրության («Եվրասիական տնտեսական միության մասին» 2014 թվականի մայիսի 29-ի պայմանագրի թիվ 27 հավելված) 2-րդ կետի 2-րդ ենթակետի երկրորդ պարբերությանը համապատասխան՝

հաշվի առնելով Եվրասիական տնտեսական միության անդամ պետությունների (այսուհետ՝ անդամ պետություններ) արդյունաբերական համագործակցության զարգացման համար պայմաններ ստեղծելու, անդամ պետություններում արտադրված թեթև արդյունաբերության արտադրանքի արտադրության և իրացման ծավալների ավելացման կարելորությունը, այդ թվում՝ համատեղ արտադրանքի տեխնոլոգիական կոոպերացիոն շղթաների շրջանակներում (այսուհետ՝ թեթև արդյունաբերության արտադրանք),

հանձնարարում է անդամ պետություններին՝ «Ինտերնետ» տեղեկատվական-հեռահաղորդակցական ցանցում՝ Եվրասիական տնտեսական միության պաշտոնական կայքում սույն Հանձնարարականը հրապարակելու օրվանից՝

1. Թեթեւ արդյունաբերության արտադրանքի արտադրության եւ իրացման ոլորտում գործունեություն իրականացնող տնտեսավարող սուբյեկտների աջակցության մեխանիզմ մշակելիս եւ իրականացնելիս դիտարկել՝

ա) թեթեւ արդյունաբերության արտադրանքն արտադրողների, այդ թվում՝ փոքր եւ միջին ձեռնարկատիրության տնտեսավարող սուբյեկտներին, ֆինանսական աջակցություն ապահովելու հնարավորությունը՝ նրանց պետական երաշխիքներ տրամադրելու միջոցով.

բ) անդամ պետությունների՝ թեթեւ արդյունաբերության արտադրանքի արտադրության, այդ թվում՝ ներմուծափոխարինման, համատեղ նախագծերի իրականացմանը մասնակցող թեթեւ արդյունաբերության արտադրողների, փոքր եւ միջին ձեռնարկատիրության տնտեսավարող սուբյեկտների համար վարկային միջոցների հասանելիությունը պարզեցնելու հնարավորությունը.

գ) անդամ պետությունների՝ համատեղ արտադրանքի արտադրության տեխնոլոգիական կոոպերացիոն շղթայի շրջանակներում միջանկյալ ապրանքներ մատակարարելիս եւ համատեղ ծրագրեր իրականացնելիս գրավով ապահովված ԱԱՀ-ի գանձումը բացառելու հնարավորությունը.

դ) թեթեւ արդյունաբերության արտադրանքն արտադրողների՝ Եվրասիական տնտեսական միության տեխնիկական կանոնակարգերի պահանջներին այդ արտադրանքի համապատասխանության գնահատմանն առնչվող միջոցառումների իրականացման ծախսերի սուբսիդավորման հնարավորությունը.

ե) անդամ պետությունների թեթեւ արդյունաբերության ոլորտում սերտիֆիկացման մարմինների եւ փորձարկման լաբորատորիաների ցանցի

ընդլայնման հնարավորությունը.

զ) անդամ պետությունների կողմից սահմանված՝ վնասակար եւ (կամ) վտանգավոր աշխատանքային պայմաններով արտադրություններում զբաղված աշխատողներին հատուկ հագուստ, հատուկ կոշիկ եւ անհատական պաշտպանության այլ միջոցներ անվճար տրամադրելու նորմերի վերանայման եւ արդիականացման միջոցով թեթեւ արդյունաբերության ձեռնարկությունների հզորությունների օգտագործման մակարդակը մեծացնելու նպատակով հատուկ հագուստի, հատուկ կոշիկի եւ անհատական պաշտպանության այլ միջոցների պահանջարկը խթանելու հնարավորությունը:

2. Մինչեւ 2017 թվականի հուլիսի 1-ը Եվրասիական տնտեսական հանձնաժողով ուղարկել առաջարկություններ՝

ա) հսկիչ (նույնականացման) նշաններով դրոշմավորման ենթակա (անհրաժեշտության դեպքում)՝ թեթեւ արդյունաբերության արտադրանքի տեսականու ընդլայնման վերաբերյալ.

բ) մեկ անդամ պետության թեթեւ արդյունաբերության արտադրանքի՝ մյուս անդամ պետության առեւտրային ցանցերում հասանելիության ընդլայնման վերաբերյալ.

գ) անդամ պետությունների կողմից՝ անհրաժեշտության դեպքում Եվրասիական տնտեսական հանձնաժողովի մասնակցությամբ, արդյունաբերական արտադրանքի անօրինական շրջանառության հակազդման համատեղ միջոցների մշակմանն ու իրագործմանը առնչվող՝ Եվրասիական տնտեսական միության մարմինների կողմից ակտերի նախագծերի ընդունման վերաբերյալ:

Եվրասիական տնտեսական հանձնաժողովի

կոլեգիայի նախագահ՝

S. Սարգսյան